

ստահալիք • բառնալ նաեւ հրովարտակաւ Արքայի զնորա-
սահման տուրս , թէպէտեւ վասն այսր Լատինք բազում
աշխատութեամբ առեալ էին հրովարտակ , այլ 'ի մատու-
ցանել զայն Կուսակալին ոչինչ օգտեցան : Եւ ասպ յաւե-
լին ասել . եթէ անհնարին լիցի կատարել զխնդիր իւր-
եանց , առցեն հրաման և ոստիկան 'ի Դրանէ հանել զվա-
նականս յերուսաղէմէ , զի երթեալ բնակեացին 'ի Կիպրոս
և յայլ տեղիս • զի Արաբացիք ոչ հանգիստ տան և ոչ փա-
խըստեան տեղի • զի հրեշտակական հոգեղէն բնութիւնն
անգամ ոչ կարէ տոկալ այսպիսի նեղութեանց , թող թէ
մարդ երկրածին (1807 • Նոյեմբեր 17) : Յետ այսր ամե-
նայնի դատաւորն , Միւֆթին , քաղաքապետն և այլք , իբր
խնայելով առին 'ի Հայոց 15,000 դահեկան • նոյնչափ եւս
'ի Յունաց և 'ի Լատինաց և պահանջէին զգինս ջուխայի ,
որոյ վասն հանին խայտառակութիւն մեծ : Հրէայք խալաւ
անշնչացեալ՝ փոխանորդ նոցա փախեալ 'ի քաղաքէն : Տե-
սուչ եւ փոխանորդն Լատինաց անհանգիստ փակեցան 'ի
վանս իւրեանց , թարգմանն Յունաց իբր հիւանդ խոյս ետ
'ի Սաշավանքն , իսկ վասն Հայոց չիք ինչ ասել , զի 'ի Եա-
ճախիլ պարտատեարց տային յիշել զաւուրս Տեղակալաց :

Դամասկոս առ հասարակ բնակչօք հեծէ 'ի նեղութիւնս
'ի բռնութենէ իշխողին , զի բռնադատէր զքրիստոնեայ
գործակալս թլիսատիլ՝ որոց փախուցեալ ընտանեօք զեր-
ծան , զնոյն պահանջէր և 'ի հպատակաց ստիպելով , որպէս
գրէ զայսոսիկ առաջնորդ տեղւոյն Պետրոս վարդապետ :

Զկնի հասանելոյ գրեանց 'ի Կոստանդինուպօլիս , գրեաց
Յակոբ եպիսկոպոս փոխանորդն թէ՝ անհնարին է որոշել
զերուսաղէմ 'ի Դամասկոսէ և կարգել առանձին Բիշէլիս :
Եւ 'ի սոյն աւուրս ընթերցաւ հրաման կուսակալին 'ի դա-
տարանն երուսաղէմի և 'ի ձեռն քարոզի ծանուցաւ բնակ-
չաց , յորում ասէր , զի առհասարակ Մահմետականք մեծ
և փոքր պարտին թողուլ մօրուս , սակայն երիտասարդք
ոչ անսացին հրամանին , որոյ վասն եղեւ ազմուկ 'ի քա-
ղաքին , նեղութիւն վանօրէից վասն գլխահարկի (1808 •
Յունվար) : Յիշատակի անուն Դանիէլ Կաթուղիկոսի յե-
կեղեցիս (Մարտ 7) :

Նեղութիւն քրիստոնէից Դամասկոսի վասն զգեստուց :